

SCRIPT OF EVENING GOJRI NEWS BULLETIN 25MAR 2025 1700HRS

اوننگ گوجری نیوز بولینٹن 25 مارچ 2025

یوہ آکاشوانی جموں ہے محمد آسف تے نصرت تیں خبر سُنو۔

HEADLINES

۱ وزیر داخلہ امت شاہ نے کہیو جموں کشمیر مانہہ علیحدگی پسندی ہُن ماضی گو ھسو ہے۔
۲ بھارت نے اقوام متحدہ مانہہ پاکستانی طرفوں مسئلہ کشمیر ور کیا گیا دعاواں ناں خارج کردتو

۳ کٹھوعہ ضلع مانہہ دہشت گرداں غے خلاف تلاشی کاروائی اج تیجے تہاڑے وی لگاتار جاری ہے۔
۴ جموں کشمیر قانون ساز اسمبلی ۲ بکھیکھ بلاں سمیت سامان تے خدمات بارے ٹیکس غے متعلق ترمیمی بل ناں پاس کرلیو ہے۔

۵ نوجوان خدمات تے کھیڈاں گا وزیر ستیش شرما نے کہیو ہے جے کھیلو انڈیا سکیم غے تھت سال ۲ ہزار ۸۱،۹۱ غی کاطر ۴۱ کروڑ ۵۷ لکھ روپیاں غی رقم واگزار کی جاچکی ہے۔

J&K AMIT SHAH

مرکزی وزیر داخلہ امت شاہ نے کہیو جموں کشمیر مانہہ علیحدگی پسندی ہُن ماضی غو حسو بن چکی ہے۔ انہاں نے اس غی مچال دیتا واں دسیو کہ ۲ ہوریت تیں منسلک تنظیمان نے علیحدگی پسند سرگرمی تیں کنارہ کشی اختیار کرلی ہے۔ انہاں نے اس مانہہ قومی یکجہتے غی طرف ایک برو قدم قرار دتو ہے تے تمام گروہاں تیں اپیل کی ہے جے علیحدگی پسندی مانہہ مسترد کریں۔ امت شاہ نے وزیر اعظم نریندر مودی غی قیادت مانہہ اس تبدیلی غو شرف دیو تے کہیو یوہ وزیر اعظم غا ایک پُر امن تے متہدہ بھارت غا نظریہ غی عکاسی کرے۔

INDIA PAK UN

اقوام متحدہ مانہہ امن غا قیام غے متعلق اک بحث مانہہ پاکستان غی طرفوں کشمیر مسئلہ بارے چایا گیا معاملہ ور بھارت نے الزام لاتاں واں کہی وے جے اس طرح غی گل کرن نال نہ ہی پاکستان غا دعاواں غی تصدیق کرے تے نہ ہی بنا پار توں پاکستان غی طرفوں تیار کی گئی دہشت گردی نال وہ اتفاق کرسکے۔ اقوام متحدہ مانہہ بھارت غا مستقبل نمائندہ پی ہریش نے پاکستان ور زور دیتا واں کہیو ہے جے وہ اقدام متحدہ حفاظتی کونسل گا ۷۴۹۱ اعلیٰ محابدہ غے تحت جموں کشمیر غا ناجائز قبضہ آلی جگہاں ناں فوری طور خالی کرے بھارت نے واضع کیو ہے جے جموں کشمیر بھارت غو اندرونی حسو ہے تے ہمیشہ رہ غو۔

KATHUA SEARCH OPERATION

کٹھوعہ ضلع غا ہیرا نگر سیکٹر مانہہ درانداز دہشت گردان مانہہ پکڑن واسطے جاری بڑی مہم
اج تیسرے دن وی جاری رہیو پولیس غا ڈی جی پی نلین پرہیات غی قیادت مانہہ یاه مہم اتوار
شام اُس وقت شروع ہوئی جد سریال گراں مانہہ دہشت گرد ایک نرسری مانہہ چھپیا وا تھا
تلاشی مہم مانہہ فوجی ہیلی کاپٹر ڈرون سنائفر ڈاگ تے جدید ہتھیاراں تیں لیس کمانڈو شامل
ہیں۔ اندازو لایو جارہیو ہے کہ دہشت گرد کسی نالہ یا سرنگ غے ذریعے سرحد پار تیں داخل
ہوا ہیں سلامتی دستاں غے نال اُن غی شدید جھڑپ ہوئی۔ مقامی لوکاں نے وی اس مہم مانہہ بھر
پور تعاون کیو تے فوجی جواناں واسطے کھان پیش غو انتظام کیو۔

KVK POONCH

قومی مشن برائے قدرتی کھیتی باڑی غے تحت کرسی ویگیان کیندر پونچھ نے مہکمہ زراعت
غا تعاون تیں کرسی سنچائی واسطے ۵ روزہ تربیتی پروگرام مکمل کیو۔ اس ٹریننگ مانہہ کیڑاں
مانہہ روکن گا انتظام تے زرعی مددگار خواتین گا کردار جیسا اہم موضوعات شامل تھا۔ اس
مانہہ ۶ کلستر تیں ۲۱ زرعی مددگار خواتین نے شرکت کی۔ چیف سائنسدان ڈاکٹر اجے گپتا نے
قدرتی کھیتی باڑی غی اہمیت ور زور دیتا واں کہیو کہ یوہ مٹی غی صحت مانہہ بہتر بنان تے
پائیدار زراعت غا فروغ مانہہ مددگار ثابت ہوسکے۔ آکاشوانی سنگ گل کرتا واں انہاں نے اس
طرح کہیو۔

PM MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ آئندہ 30 ما
رچ مانہہ آکاش وانی ور من کی بات پروگرام غا اپنا ماہانہ شمارہ مانہہ اپنا خیالات سانجھ
کریں گا۔ لوگ اپنا خیالات تے تجویز ٹول فری نمبر 1800117800 ور ڈائل کر غے روانہ
کر سکیں۔ اس توں علاوہ نریندر مو دی ایپ یاه فر مائی گوو اوپن فورم ور وی اپنا خیالات
تے تجویز روانہ کی جا سکیں۔ یہ تجویز اس مہینہ غی 28 تا ریخ توڑی ہی قابل قبول وین گی۔
یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن انٹر مو بائل ایپ
ور نشر تے ٹیلی کاسٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی
نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینلاں ور وی
براہ راست نشر تے ٹیلی کاسٹ کیو جائے گو۔ آکاش وانی اس پروگرام غی ہندی نشریات
غے فوراً بعد اس مانہہ علاقائی زبانان مانہہ وی نشر کرے گو۔

ASSEMBLY BILLS

جموں کشمیر قانون ساز اسمبلی نے اجے ایوان مانہہ ۲ بل پاس کیا ہیں جن غے تحت مالی سال
۲ ہزار ۴۲، ۵۲ تے ۶۲ غی خاطر مجموعی رقومات کٹن غی اجازت وے گی۔ واضع رہ
جے یوہ بل۔ وزیر اعلیٰ عمر عبداللہ غی طرفوں اج ایوان مانہہ پیش کیو جن کولے محکمہ

خزانہ گو قلمدان وی ہے یہ دوے بل زبانی ووٹ غے زریعے پاس کیا گیا ہیں یاد رہے قانون ساز اسمبلی مانہہ اج سامان تے خدمات بارے ٹیکس مانہہ ترمیمی بل ۲ ہزار ۵۲ وی پاس کیو گیو ہے۔

HOUSE COMMITTEES

جموں کشمیر قانون ساز اسمبلی نے اج ۳ ہاوس کمیٹیاں گی خاطر ممبر چُنن غی تجویز ایوان مانہہ پیش کی واضع رہے عمر عبداللہ غی طرفوں پیش کی گئی اس تجویز ناں اسمبلی غا سپیکر عبدالرحیم راتھر نے زبانی ووٹ غے زریعے منظور کرلیو ہے یاد رہے ہاوس کمیٹی تخمینہ لاگت تے عوامی اقدام غے متعلق کم کریں غی تے ہر اک کمیٹی ۱۱ میراں ور مشتمل وے گی۔ ایوان مانہہ یاہ وی جانکاری دتی گئی ہے جے یہ کمیٹی جموں کشمیر اسمبلی مانہہ کاروبار غ اطرز عمل تے قاعدہ قانون غیکاطر ۱۳ مارچ ۲ ہزار ۶۲ توڑی خدمات انجام دیں گی۔

SPORTS KHELO INDIA

نوجوان خدمات تیکھیڈاں بارے محکمہ غا وزیر ستیش شرما نے کہی وہے کہ حکومت نے مالی سال ۲ ہزار ۸۱،۹۱ غی کاطر کھیلو انڈیا سکیم گے تحت چار پروجیکٹاں غی کاطر ۴۱ کروڑ ۵۷ لکھ روپیاں غی رقم جاری کی جاچکی ہے جس وچوں ہُن توڑی ۳۱ کروڑ ۷۶ لکھ روپیہ خرچ کیا جا چکا ہیں وزیر موصوف اج قانون ساز اسمبلی مانہہ جاری اجلاس غے دوران بول رہیا تھا۔ اُننے کہیو جے خاکی غے متعلق سرینگر تے جموں مانہہ ۲ پروجیکٹ مکمل کر لیا گیا ہیں جدکہ وادی کشمیر گا سوپور تے بڈگام مانہہ ۲ اندرونی کھیڈ سٹیڈیم زیر تعمیر ہے جناب شرما نے ایوان ناں یاہ وی جانکاری دتی ہے جے کھیلو انڈیا سکیم بھارتی حکومت غی طرفوں چلائی جارہی اک مرکزی فلاحی سکیم ہے جھیڑی جے ریاستی ترز ور مختص رکھی گئی ہے۔

HOCKEY POONCH

ضلع اوپن ہاکی چیمپینشپ پونچھ مانہہ ڈی وائی ایس ایس او نے آخری مقابلہ مانہہ ریڈ ۱۱ نانہہ ۴،۳ تیں شکست دے غے جیت حاصل کی جس مانہہ ۸ ٹیمیں نے جوش و خروش و ضربہ نال حصو لیو۔ تقریب مانہہ مہمان خصوصی اے ڈی سی تاہر مستفا ملک تھا جنہاں نے کھیڈاریاں غا کھیڈ غا جزیہ تے محنت غی تعریف کی۔ اس موقع ور خطاب کرتا واں اُنہاں نے نوجوانان واسطے کھیڈاں غی اہمیت ور روشنی کھلی تے اس طرح کہیو۔

FOOTBALL DODA

دوڈھ مانہہ صحت تے منشیات تیں پاک معاشرہ نانہہ فروغ دین واسطے ایک شاندار فُٹ بال ٹورنامینٹ منعقد کیو گیو جس مانہہ ضلع بھر تیں ۸ ٹیمیں نے حصو لیو۔ اس تقریب غو مقصد تھو منشیات نانہہ دور پھینکو تے زندگی مانہہ کامیابی حاصل کروپیوہ مقابلو جوش و خروش تیں بھر پور رہیو جس مانہہ نہ صرف کھیڈاریاں بلکہ ناظرین نے وی پُر جوش حصو لیو۔ آکری

مقابلو بہت ہی دلچسپ ریو دوڈھ گا ایس اسی پی سندیپ مہتا مہمان خصوصی گا طور ور
موجود تھا اُنہاں نے تمام کھیداریاں گا حوصلہ تے جذبہ غی تعریف کی۔ اُنہاں نے کہیو رمضان
غا روزہ غے باوجود وی شرکاء نے جوش دکھایو یوہ واقعی تعریف غے
قابل ہے۔ ایس ایس پی ڈوڈھ نے مزید اس طرح کہیو۔
